



Tel : 04-2615669  
Fax/Tel : 04-2628664  
E-mail : [secretariat@penangbar.org](mailto:secretariat@penangbar.org)  
Website : [www.penangbar.org](http://www.penangbar.org)

No. 4. Green Hall,  
1st Floor,  
10200 Penang,  
Malaysia.

## **JAWATANKUASA PEGUAM PULAU PINANG PENANG BAR COMMITTEE**

Court Liaison 13/21

9 May 2021

To Members of the Penang Bar,

### **Information Pertaining to Penang Courts Operations during Movement Control Order from 10 May 2021 to 23 May 2021**

Reference is made to the Movement Control Order (MCO) in Penang announced by the National Security Council (NSC) on 8 May 2021, which applies to:-

- three (3) districts; Timur Laut, Seberang Perai Tengah and Seberang Perai Selatan and
- three (3) Mukim; Mukim 12 Barat Daya, Bandar Butterworth Seberang Perai Utara and Mukim 14 Seberang Perai Selatan.

The Office of the Chief Registrar of the Federal Court of Malaysia has issued Directives dated 20 Jan 2021 and 17 Feb 2021 entitled "*Arahan Mengenai Pengendalian Prosiding Kes Di Mahkamah Semasa Tempoh Perintah Kawalan Pergerakan (PKP)*" pertaining to Court operations during the MCO period in the affected areas and directives for both Civil and Criminal cases.

We have further received a Directive and Notification from Senior Assistant Registrar, Puan Nur Fadrina Binti Zulkhairi on instruction from the Director of the Penang Courts, Dato' Haji Mohd Nasir Bin Nordin that the operation of the Penang State Courts are as usual with 100% attendance, with a strict adherence to the Standard Operating Procedures (SOP) set by NSC.

Members are therefore advised to take note of the said Directives and Notifications which are appended below.

Members will be updated further as and when we receive additional information from the Courts.

Thank you.

**Ravi Chandran and Imavathi Subramaniam**  
**Co-Chairpersons**  
**Court Liaison Subcommittee**



KHN 0038/1

20 Januari 2021

YA Hakim-Hakim  
Mahkamah Persekutuan

YA Hakim-Hakim  
Mahkamah Rayuan

YA Hakim-Hakim/Pesuruhjaya Kehakiman  
Mahkamah Tinggi  
Seluruh Malaysia

Hakim Mahkamah Sesyen  
Mahkamah Sesyen  
Seluruh Malaysia

Majistret  
Mahkamah Majistret  
Seluruh Malaysia

Pegawai Khas/ Pegawai Penyelidik/ Timbalan Pendaftar/  
Penolong Kanan Pendaftar  
Mahkamah Persekutuan/Mahkamah Rayuan/  
Mahkamah Tinggi/Mahkamah Rendah Seluruh Malaysia

**ARAHAN MENGENAI PENGENDALIAN PROSIDING KES JENAYAH DI MAHKAMAH  
SEMASA TEMPOH PERINTAH KAWALAN PERGERAKAN (PKP)**

**1. PENDAHULUAN**

Bagi memastikan sistem keadilan jenayah tidak terjejas dan diteruskan sepanjang tempoh Perintah Kawalan Pergerakan (PKP), pada menjalankan kuasa yang diberikan oleh seksyen 16A Akta Mahkamah Kehakiman 1964 [Akta 91] dan seksyen 3A Akta Mahkamah Rendah 1948 [Akta 92] yang diubah suai melalui Akta Langkah-Langkah Sementara Bagi Mengurangkan Kesan Penyakit Koronavirus 2019 (Covid-19) 2020

[Akta 829], saya mengeluarkan Arahan ini bagi memperuntukkan mengenai pengendalian prosiding kes jenayah di Mahkamah semasa tempoh PKP.

## 2. PEMAKAIAN

2.1 Arahan ini terpakai bagi semua prosiding kes jenayah yang dijalankan di Mahkamah-Mahkamah yang berada di negeri-negeri dan daerah-daerah di bawah PKP.

2.2 Arahan ini hendaklah dibaca bersama Arahan-Arahan Berhubung Dengan Pengendalian Kes Semasa Tempoh Perintah Kawalan Pergerakan (PKP) yang dikeluarkan bertarikh 12 Januari 2021.

## 3. JENIS KES MENGIKUT KEUTAMAAN

3.1 Semua prosiding kes jenayah di Mahkamah terbuka akan terus dijalankan dengan keutamaan diberikan kepada kes-kes yang berikut:

- (a) kes-kes pra-2020 dengan keutamaan kepada kes-kes sambung bicara;
- (b) kes-kes melibatkan pesalah kanak-kanak;
- (c) kes-kes kepentingan awam merangkumi kes-kes rasuah, jenayah komersial, alam sekitar, *Habeas Corpus*, keganasan rumah tangga, pelanggaran Peraturan-Peraturan yang diperbuat di bawah Akta Pencegahan dan Pengawalan Penyakit Berjangkit 1988 [Akta 342], dsb.; dan
- (d) mana-mana kes yang dipohon oleh pihak-pihak untuk dijalankan atas sebab-sebab yang khas dan hal keadaan tertentu (*exceptional circumstances*).

- 3.2 Walau apa pun, Mahkamah mempunyai budi bicara untuk menentukan mana-mana kes yang akan dijalankan di Mahkamah terbuka semasa pelaksanaan PKP.

#### 4. PENGURUSAN KES

- 4.1 Pengurusan kes boleh dijalankan secara fizikal atau melalui teknologi komunikasi jarak jauh mengikut kesesuaian kes dan pihak-pihak yang terlibat.
- 4.2 Pengurusan kes hendaklah dijalankan sekurang-kurangnya tiga (3) hari atau dalam apa-apa tempoh masa yang bersesuaian sebelum perbicaraan untuk mengelakkan sebarang penangguhan pada saat-saat akhir.
- 4.3 Pengurusan kes hendaklah dijalankan bagi tujuan yang berikut:
- (a) membuat penentuan pihak-pihak dan bilangan orang yang terlibat dalam sesuatu prosiding;
  - (b) mendapatkan maklumat mengenai anggaran masa yang akan diambil untuk keseluruhan prosiding;
  - (c) mendapatkan maklumat mengenai bilangan saksi yang terlibat dan anggaran tempoh masa yang diambil bagi satu-satu saksi;
  - (d) mendapatkan maklumat mengenai keperluan untuk mendapatkan khidmat jurubahasa asing, sekiranya diperlukan oleh tertuduh atau saksi semasa memberikan keterangan;
  - (e) mendapatkan maklumat daripada institusi penjara berhubung dengan status ujian saringan COVID-19 yang telah dijalankan ke atas tertuduh yang ditahan di penjara bagi tujuan pengemukaan ke Mahkamah;



- (f) jika pihak-pihak yang terlibat dalam prosiding adalah termasuk dalam kategori berisiko dan menyukarkan kehadirannya ke Mahkamah, permohonan awal untuk penangguhan hendaklah dibuat;
- (g) mengingatkan pihak-pihak akan keperluan untuk mematuhi secara ketat semua garis panduan, tatacara operasi standard dan arahan berkaitan dengan wabak COVID-19 yang dikeluarkan oleh Pejabat Ketua Pendaftar Mahkamah Persekutuan Malaysia (PKPMP), Kementerian Kesihatan Malaysia, Majlis Keselamatan Negara dan Agensi-Agensi yang berkaitan; dan
- (h) apa-apa pertimbangan lain yang difikirkan sesuai dan wajar oleh Mahkamah.

## **5. TATACARA PENGENDALIAN KES**

### **5.1 Permohonan jenayah**

Semua pendengaran permohonan dalam kamar bagi kes jenayah hendaklah dibuat di Mahkamah terbuka atau melalui teknologi komunikasi jarak jauh.

### **5.2 Prosiding**

5.2.1 Semua prosiding yang telah dijadualkan hendaklah dijalankan sehingga selesai mengikut tempoh masa yang ditetapkan dan sebarang penangguhan adalah tidak dibenarkan.

5.2.2 Dalam satu hari, sebanyak tiga sesi perbicaraan akan diadakan dengan tempoh maksimum selama sembilan puluh (90) minit bagi setiap sesi perbicaraan. Masa rehat akan diberikan antara setiap sesi perbicaraan.

5.2.3 Sebelum prosiding dijalankan, Mahkamah hendaklah memastikan perkara-perkara yang berikut:

- (a) tiada seorang pun dibenarkan hadir ke prosiding di Mahkamah terbuka kecuali—
  - (i) tertuduh dan dua orang ahli keluarga/ kawan/ kenalan tertuduh;
  - (ii) seorang Timbalan Pendakwa Raya atau apa-apa bilangan yang dibenarkan oleh Mahkamah;
  - (iii) seorang peguam bagi pihak tertuduh atau apa-apa bilangan yang dibenarkan oleh Mahkamah; dan
  - (iv) saksi-saksi yang terlibat;
- (b) pihak-pihak hendaklah hadir mengikut masa yang ditetapkan oleh Mahkamah dan tidak dibenarkan untuk berada di dalam Mahkamah terbuka kecuali apabila kes mereka dipanggil; dan
- (c) pada satu-satu masa, hanya dua orang saksi yang dibenarkan untuk menunggu di bilik saksi dengan pematuhan kepada keperluan penjarakan fizikal.

5.2.4 Timbalan Pendakwa Raya dan peguam hendaklah memastikan bahawa saksi mereka hanya hadir ke Mahkamah pada hari yang diperlukan sahaja untuk memberikan keterangan.

5.2.5 Jurubahasa hendaklah sentiasa menjalankan tugas dari meja jurubahasa di dalam Mahkamah terbuka termasuklah apabila membaca pertuduhan kepada Orang Kena Tuduh (OKT).

### 5.3 Budi bicara Mahkamah

Walau apa pun peruntukan yang terkandung dalam Arahan ini, Mahkamah boleh menggunakan budi bicara dalam menentukan tatacara dan perkara berkaitan pengendalian prosiding di Mahkamah terbuka.

## 6. PEMBATALAN

Arahan ini membatalkan perenggan 4(e) Arahan-Arahan Berhubung Dengan Pengendalian Kes Semasa Tempoh PKP yang telah dikeluarkan pada 12 Januari 2021.

## 7. TARIKH PERMULAAN KUAT KUASA

Arahan ini mula berkuat kuasa pada **27 Januari 2021**.



**TUN TENGKU MAIMUN BINTI TUAN MAT**  
Ketua Hakim Negara  
Istana Kehakiman  
Putrajaya

### SALINAN KEPADA:

YAA Presiden Mahkamah Rayuan  
Mahkamah Persekutuan Malaysia  
Istana Kehakiman  
Putrajaya

YAA Hakim Besar Malaya  
Mahkamah Persekutuan Malaysia  
Istana Kehakiman  
Putrajaya

YAA Hakim Besar Sabah dan Sarawak  
Mahkamah Persekutuan Malaysia  
Istana Kehakiman  
Putrajaya

YBhg. Peguam Negara  
Jabatan Peguam Negara Malaysia  
No.45, Persiaran Perdana  
Presint 4, 62100, Putrajaya

Semua YA Hakim Pengurus  
Mahkamah Persekutuan  
Istana Kehakiman  
Putrajaya

Ketua Pendaftar  
Mahkamah Persekutuan  
Istana Kehakiman  
Putrajaya

Timbalan Ketua Pendaftar  
Mahkamah Persekutuan  
Istana Kehakiman  
Putrajaya

Timbalan Kanan Pendaftar  
Mahkamah Persekutuan  
Istana Kehakiman  
Putrajaya

Pendaftar  
Mahkamah Rayuan  
Istana Kehakiman  
Putrajaya

Pendaftar  
Mahkamah Tinggi Malaya  
Istana Kehakiman  
Putrajaya

Pendaftar  
Mahkamah Tinggi Sabah dan Sarawak  
Kota Kinabalu  
Sabah

Pendaftar  
Mahkamah Rendah Malaya  
Istana Kehakiman  
Putrajaya

Pendaftar Mahkamah Rendah Sabah dan Sarawak  
Kota Kinabalu  
Sabah



Pustakawan  
Mahkamah Persekutuan  
Istana Kehakiman  
Putrajaya

Yang Dipertua  
Majlis Peguam Malaysia  
Kuala Lumpur

Presiden  
*Sabah Law Society*  
Sabah

Presiden  
*Advocates Association of Sarawak*  
Sarawak



KHN.0042 Jld 2  
17 Februari 2021

YA Hakim-Hakim  
Mahkamah Persekutuan

YA Hakim-Hakim  
Mahkamah Rayuan

YA Hakim-Hakim/Pesuruhjaya Kehakiman  
Mahkamah Tinggi  
Seluruh Malaysia

Hakim Mahkamah Sesyen  
Mahkamah Sesyen  
Seluruh Malaysia

Majistret  
Mahkamah Majistret  
Seluruh Malaysia

Pegawai Penyelidik/ Timbalan Pendaftar  
Penolong Kanan Pendaftar  
Mahkamah Persekutuan/Mahkamah Rayuan/  
Mahkamah Tinggi/Mahkamah Rendah Seluruh Malaysia

**ARAHAN KETUA HAKIM NEGARA  
BILANGAN 5 TAHUN 2021  
MENGENAI PENGENDALIAN PROSIDING KES SIVIL DI MAHKAMAH  
SEMASA TEMPOH PERINTAH KAWALAN PERGERAKAN (PKP)**

PADA menjalankan kuasa yang diberikan oleh seksyen 16A Akta Mahkamah Kehakiman 1964 [Akta 91] dan seksyen 3A Akta Mahkamah Rendah 1948 [Akta 92] yang diubah suai melalui Akta Langkah-Langkah

Sementara bagi Mengurangkan Kesan Penyakit Koronavirus 2019 [Akta 829], saya mengeluarkan Arahan ini bagi memperuntukkan perkara berhubung dengan pengendalian prosiding kes sivil di Mahkamah-Mahkamah di seluruh Malaysia sepanjang tempoh Perintah Kawalan Pergerakan (PKP) seperti yang berikut:

## **PEMAKAIAN**

2. Arahan ini terpakai bagi pengendalian kes sivil secara fizikal dan melalui teknologi komunikasi jarak jauh di negeri-negeri dan di daerah-daerah di bawah PKP.

3. Arahan ini hendaklah dibaca bersama Tatacara Operasi Standard Pencegahan Wabak Covid-19 Di Mahkamah Seluruh Malaysia dan Tatacara Operasi Standard Pencegahan Wabak Covid-19 Di Mahkamah Seluruh Malaysia Bagi Pengguna Mahkamah yang telah diedarkan oleh Pejabat Ketua Pendaftar Mahkamah Persekutuan Malaysia (PKPMP) dan telah mula berkuat kuasa pada **27 Januari 2021**.

## **TAFSIRAN**

4. Dalam Arahan ini, melainkan jika konteksnya menghendaki makna yang lain, "Mahkamah" ertinya Mahkamah Persekutuan, Mahkamah Rayuan, Mahkamah Tinggi, Mahkamah Sesyen atau Mahkamah Majistret.

## JENIS KES MENGIKUT KEUTAMAAN

5. Semua prosiding kes sivil di Mahkamah terbuka akan terus dijalankan dengan keutamaan diberikan kepada kes-kes yang berikut:
  - (a) kes-kes pra-2020 dengan keutamaan kepada kes sambung bicara;
  - (b) kes-kes berkepentingan awam; dan
  - (c) mana-mana kes yang dipohon oleh pihak-pihak untuk dijalankan atas sebab-sebab istimewa dan hal keadaan luar biasa" (*special and exceptional circumstances*) termasuklah prosiding melibatkan kes kemalangan jalan raya (*running down cases*), prosiding melibatkan saksi yang berada di luar negara, faktor kesihatan dan keupayaan saksi serta apa-apa hal keadaan lain yang akan dipertimbangkan oleh Mahkamah.
6. Walau apa pun, Mahkamah mempunyai budi bicara untuk menentukan mana-mana kes sivil yang akan dijalankan di Mahkamah terbuka atau melalui teknologi komunikasi jarak jauh semasa pelaksanaan PKP.

## PEMFAILAN

7. Bagi Mahkamah yang menggunakan sistem e-Kehakiman, pemfailan kes-kes baharu / notis rayuan dan dokumen-dokumen adalah melalui sistem e-Filing.



8. Bagi Mahkamah yang masih belum mempunyai sistem e-Filing, pemfailan kes-kes baharu dan dokumen-dokumen akan dilaksanakan secara fizikal.

## **PERMOHONAN PERAKUAN SEGERA**

9. Bagi permohonan perakuan segera—

- (a) di Mahkamah Persekutuan, Timbalan Pendaftar akan mengendalikan dokumen perakuan segera dan mendapatkan arahan selanjutnya daripada YAA Ketua Hakim Negara;
- (b) di Mahkamah Rayuan, Pendaftar Mahkamah Rayuan akan mengendalikan dokumen perakuan segera dan mendapatkan arahan selanjutnya daripada YAA Presiden Mahkamah Rayuan;
- (c) di Mahkamah Tinggi, Timbalan Pendaftar atau Penolong Kanan Pendaftar akan mengendalikan dokumen perakuan segera dan mendapatkan arahan selanjutnya daripada YA Hakim / Pesuruhjaya Kehakiman yang bertugas; dan
- (d) di Mahkamah Sesyen, Ketua Pusat Kos / Penolong Kanan Pendaftar Mahkamah Rendah akan mengendalikan dokumen perakuan segera dan mendapatkan arahan selanjutnya daripada Pengarah Mahkamah Negeri.

## PENGURUSAN KES

10. Pengurusan kes hendaklah dijalankan melalui teknologi komunikasi jarak jauh sebagaimana yang diperuntukkan dalam Arahan Amalan Ketua Hakim Negara Bilangan 1 Tahun 2021 mengenai Pengendalian Prosiding Kes Sivil Melalui Teknologi Komunikasi Jarak Jauh Bagi Mahkamah Di Seluruh Malaysia (Arahan Amalan Ketua Hakim Negara Bilangan 1 Tahun 2021) dan Garis Panduan Pengendalian Prosiding Kes Sivil Melalui Teknologi Komunikasi Jarak Jauh Bagi Mahkamah di Seluruh Malaysia (Garis Panduan Pengendalian Prosiding Kes Sivil), mengikut mana-mana yang berkenaan.

11. Mahkamah boleh dalam keadaan luar biasa dan sebagai pilihan terakhir menetapkan pengurusan kes secara fizikal.

12. Pengurusan kes hendaklah dijalankan bagi tujuan antara lain seperti yang berikut:

- (a) membuat penentuan pihak-pihak dan bilangan orang yang terlibat dalam sesuatu prosiding;
- (b) mendapatkan maklumat mengenai anggaran masa yang akan diambil untuk keseluruhan prosiding;
- (c) mendapatkan maklumat mengenai bilangan saksi yang terlibat dan anggaran tempoh masa yang diambil bagi satu-satu saksi;
- (d) jika pihak-pihak yang terlibat dalam prosiding termasuk dalam kategori berisiko kesihatan dan menyukarkan kehadirannya ke

Mahkamah, permohonan seawal mungkin untuk penangguhan hendaklah dibuat;

- (e) mengingatkan pihak-pihak akan keperluan untuk mematuhi secara ketat semua garis panduan, tatacara operasi standard dan arahan berkaitan dengan wabak COVID-19 yang dikeluarkan oleh PKPMP, Kementerian Kesihatan Malaysia, Majlis Keselamatan Negara dan Agensi-Agensi yang berkaitan; dan
- (f) apa-apa pertimbangan lain yang difikirkan sesuai dan wajar oleh Mahkamah.

13. Pengurusan kes terakhir hendaklah dijalankan sekurang-kurangnya dalam masa tiga (3) hari atau dalam apa-apa tempoh masa yang bersesuaian sebelum perbicaraan untuk mengelakkan sebarang penangguhan pada hari perbicaraan.

#### **TATACARA PENGENDALIAN KES SIVIL**

14. Semua permohonan interlocutori hendaklah dijalankan melalui komunikasi teknologi jarak jauh namun, Mahkamah boleh dalam hal keadaan tertentu menetapkan prosiding bagi permohonan interlocutori dijalankan secara fizikal, contohnya bagi kes yang melibatkan litigan yang tidak diwakili peguam.

15. Bagi prosiding yang dijalankan melalui teknologi komunikasi jarak jauh, Arahan Amalan Ketua Hakim Negara Bilangan 1 Tahun 2021 dan



Garis Panduan Pengendalian Prosiding Kes Sivil, mengikut mana-mana yang berkenaan, adalah terpakai.

16. Semua prosiding yang telah dijadualkan hendaklah dijalankan sehingga selesai mengikut tempoh masa yang ditetapkan dan sebarang penangguhan adalah tidak dibenarkan.

## 17. **Mahkamah Persekutuan dan Mahkamah Rayuan**

17.1 Sebarang penetapan tarikh baharu akan ditetapkan secara pengurusan kes melalui teknologi komunikasi jarak jauh oleh Timbalan Pendaftar.

17.2 Sekiranya prosiding dijalankan di Mahkamah terbuka, Mahkamah hendaklah memastikan perkara-perkara yang berikut:

(a) tertakluk kepada perenggan 19, tiada seorang pun dibenarkan hadir ke prosiding di Mahkamah terbuka kecuali—

(i) pihak Perayu dan dua orang ahli keluarga/ kawan/ kenalan pihak Perayu;

(ii) pihak Responden dan dua orang ahli keluarga/ kawan/ kenalan pihak Responden;



- (iii) seorang Peguam Kanan Persekutuan/Peguam Persekutuan atau apa-apa bilangan yang dibenarkan oleh Mahkamah; dan
  - (iv) seorang Peguam bagi pihak-pihak atau apa-apa bilangan yang dibenarkan oleh Mahkamah; dan
  - (v) mana-mana pihak lain mengikut keperluan peruntukan undang-undang yang berkaitan atau diarahkan oleh Mahkamah untuk hadir; dan
- (b) pihak-pihak hendaklah hadir mengikut masa yang ditetapkan oleh Mahkamah dan tidak dibenarkan untuk berada di dalam Mahkamah terbuka kecuali apabila kes mereka dipanggil.

17.4 Jurubahasa hendaklah sentiasa menjalankan tugas dari meja jurubahasa di dalam Mahkamah terbuka.

## **18. Mahkamah Tinggi, Mahkamah Sesyen dan Mahkamah Majistret**

18.1 Sekiranya prosiding dijalankan di Mahkamah terbuka, Mahkamah hendaklah memastikan perkara-perkara yang berikut:

- (a) tertakluk kepada perenggan 19, tiada seorang pun dibenarkan hadir ke prosiding di Mahkamah terbuka kecuali—

- (i) pihak Plaintiff dan dua orang ahli keluarga/ kawan/ kenalan pihak Plaintiff;
  - (ii) pihak Defendan dan dua orang ahli keluarga/ kawan/ kenalan pihak Defendan;
  - (iii) seorang Peguam Kanan Persekutuan/Peguam Persekutuan atau apa-apa bilangan yang dibenarkan oleh Mahkamah;
  - (iv) seorang Peguam bagi pihak-pihak atau apa-apa bilangan yang dibenarkan oleh Mahkamah; dan
  - (v) saksi-saksi yang terlibat;
  - (vi) mana-mana pihak lain mengikut keperluan peruntukan undang-undang yang berkaitan atau diarahkan oleh Mahkamah untuk hadir; dan
- (b) pihak-pihak hendaklah hadir mengikut masa yang ditetapkan oleh Mahkamah dan tidak dibenarkan untuk berada di dalam Mahkamah terbuka kecuali apabila kes mereka dipanggil; dan
- (c) pada satu-satu masa, hanya dua orang saksi yang dibenarkan untuk menunggu di bilik saksi dengan pematuhan kepada keperluan penjarakan fizikal.

- 18.2 Peguam Kanan Persekutuan/Peguam Persekutuan/peguam/pegawai yang diberi kuasa di bawah peruntukan undang-undang untuk mengendalikan kes di Mahkamah, hendaklah memastikan bahawa saksi mereka hanya hadir ke Mahkamah pada hari yang diperlukan sahaja untuk memberikan keterangan.
- 18.3 Jurubahasa hendaklah sentiasa menjalankan tugas dari meja jurubahasa di dalam Mahkamah terbuka.

### **HAD KEHADIRAN KE PROSIDING DI MAHKAMAH TERBUKA**

19. Walau apa pun peruntukan undang-undang atau arahan yang dikeluarkan berhubung dengan perkara ini dan selaras dengan peruntukan di bawah seksyen 3 Akta 829, kehadiran mana-mana orang ke prosiding di Mahkamah terbuka boleh dihadkan.

### **PELAKSANAAN PENGHAKIMAN**


20. Tertakluk kepada perenggan 21, Mahkamah boleh mempertimbangkan permohonan pelaksanaan penghakiman.

### **BUDI BICARA MAHKAMAH**

21. Walau apa pun peruntukan yang terkandung dalam Arahan ini, Mahkamah boleh menggunakan budi bicara dalam menentukan tatacara dan perkara berkaitan pengendalian prosiding kes sivil semasa tempoh PKP.

## TARIKH PERMULAAN KUAT KUASA

22. Arahan ini mula berkuat kuasa pada **19 Februari 2021**.



**TUN TENGKU MAIMUN BINTI TUAN MAT**

Ketua Hakim Negara

Istana Kehakiman

Putrajaya

### SALINAN KEPADA:

YAA Presiden Mahkamah Rayuan  
Mahkamah Persekutuan  
Istana Kehakiman  
Putrajaya

YAA Hakim Besar Malaya  
Mahkamah Persekutuan Malaysia  
Istana Kehakiman  
Putrajaya

YAA Hakim Besar Sabah dan Sarawak  
Mahkamah Persekutuan Malaysia  
Istana Kehakiman  
Putrajaya

YBhg. Peguam Negara  
Jabatan Peguam Negara Malaysia  
No. 45, Persiaran Perdana,  
Presint 4, 62100 Putrajaya



Ketua Pendaftar  
Mahkamah Persekutuan  
Istana Kehakiman  
Putrajaya

Timbalan Ketua Pendaftar  
Mahkamah Persekutuan  
Istana Kehakiman  
Putrajaya

Pendaftar  
Mahkamah Rayuan  
Istana Kehakiman  
Putrajaya

Pendaftar  
Mahkamah Tinggi Malaya  
Istana Kehakiman  
Putrajaya

Pendaftar  
Mahkamah Tinggi Sabah dan Sarawak  
Kota Kinabalu  
Sabah

Pendaftar  
Mahkamah Rendah Malaya  
Istana Kehakiman  
Putrajaya

Pendaftar  
Mahkamah Rendah Sabah & Sarawak  
Kota Kinabalu  
Sabah

Pustakawan  
Mahkamah Persekutuan  
Istana Kehakiman  
Putrajaya

Yang Dipertua  
Majlis Peguam Malaysia  
Kuala Lumpur

Presiden  
*Sabah Law Society*  
Sabah

Presiden  
*Advocate Association of Sarawak*  
Sarawak